

三、世系源流考

曹氏之先有二咸出於黃帝其一陸終氏六子其五曰安是為曹姓其一曹叔振鐸之後以國為氏陸終氏為黃帝六世孫曹叔振鐸為黃帝十九世孫史記三代世表曹世家可考也五代之際有家於真定靈壽者曰芸官至成德軍節度都知兵馬使芸生彬彬佐宋太祖定天下官至平盧軍節度使檢校太師同平章事贈中書令封濟陽郡王予諡武惠配享太祖廟廷史氏論其功德以為良將第一其十二世孫曰友聞寶慶二年進士官至眉州防禦使左驍衛大將軍利州諸軍統制元師人蜀嬰城百戰力盡死之贈龍圖閣學士賜廟褒忠予諡毅節子二

（本宋史本紀列傳）

孫四子光子章子明子聖元英宗至治間子明自江西吉安來掌湖南湘陰三峯關務與兄子光以兵定喬口之亂授將軍居懷其功於喬口南北兩岸建光明保安諸寺歲時尸祝其後喜玉溪（湘陰三玉州地一名玉溪）山水之勝遂留家焉（本旦明及諸房譜）後世稱玉溪公是為湖南三峯曹氏之始玉溪公子七孫十一曾孫十二玄孫二十八歲孳月乳蕃衍湘中旁逮鄂贛皖功巴蜀之交咸有戶籍為房十九而我彥萬公分籍湘陰初由歸義徙居觀音湖由觀音湖遷居茶木垵遂落業焉湘陰茶木垵曹氏之始茲據舊聞表所自出俾後有徵焉餘詳通譜先德傳